

Namołwa němskich biskopow k wurjadnej zběrce 4./5. septembra 2010 za wopory powodženja w Pakistanje

Lube sotry a lubi bratřa,

tydženje trajace deščowanja su wulke džěle Pakistana powodžili. Wjele milionow ludźi je wot toho potrjechenych. Dróhi, mosty a domy buchu zničene. Wsy a města su wot wonkowneho swěta wotrěznjene, žórła pitneje wody zanjerodžene. Mrětwy ludnosć wohrožeja, předewšěm džěći. Njeličomni su bjezdomni. Generalny sekretar Zjednocenych narodow je katastrofu powodženja w Pakistanje mjenował „Tsunami w spomalenju“. To rěka: Čim dlěje powodženje traje, čím wjace so zniči.

My němscy biskopja pozbudžamy Was wšitkich, lube sotry a lubi bratřa, zo byšće nuzy ćerpjacych ludźi sobu wotpomhali. Mjezynarodna pomoc je drje zaběžała, a tež naše cyrkwinske pomocne organizacije so połnje zasadžeja. Pobrachuja pak dosahace financne srědky, zo by so znajmjeńša najwjetša nuza přewinyła. Tohodla ma so na wšěch njedźelných Božich službach džens za tydžeń wurjadna zběrka přewjesć.

Hižo druhi króć smy lětsa dla zahubneje přirodneje katastrofy k wosebitej pomocy namołwjeni. Ale nuza njeznaje žanu protyku. Jako křescenjo wěmy: Bóh je nuzu ćerpjacym na wosebite wašnje bliski. Hdyž jim solidarnje pomhamy, jednamy po Jězusowym přikładze.

Tuž prosymy wo Wašu modlitwu za ludźi w Pakistanje a wo wulkomyslny dar přichodnu njedźelu. Na tute wašnje móža naše wupruwowane organizacije ze swojej witanej pomocu pokročować. Wšitkim, kotřiž nětkole wospjet lubosć k blišemu skutownje wopokazaja, wuprajamy wutrobne zapłać Bóh!

We Würzburgu, dnja 23. awgusta 2010

+ Joachim Reinelt

biskop Drježdžansko-Mišnjanski

Tuta namołwa ma so njedźelu, 29. awgusta 2010, na wšěch Božich službach, tež na předwječorných, přednjesć.